

خَطِ پوُلُسِ بَلَدِه تَيْتُسِ

پيشگفتار

امی خط ره پوُلُسِ بَلَدِه تَيْتُسِ نوښته كده. تَيْتُسِ يگ ايماندارِ
غَيْرِ يَهُودِ و همكار و دوستِ پوُلُسِ بُوَد كه دَ اِعلانِ كدونِ
خوشخبري اُو ره كومك موكد. پوُلُسِ رهبري جماعتِ
ايمانداراي جزيره كريت ره دَ عَهْدِه تَيْتُسِ ايشنُد.

پوُلُسِ دَ امزي خطِ سه مقصدِ خاصِ دَره:

فهرستِ عنوانها

دُعا و سلام (فصلِ ۱ آيه ۱)

وظيفه تَيْتُسِ (۱:۵)

تعليماتِ دُرستِ بَلَدِه ايماندارا (۱:۲)

رفتارِ ايماندارا (۱:۳)

هدايتِ هاي آخري (۱۰:۳)

۱ از طرفِ پوئس، غلامِ خُدا و رَسولِ عیسیٰ مسیح. ما
 بلده تَقویه ایمانِ اِنْتِخابِ شُده های خُدا و بلده بیانِ امزُو
 حقیقتِ که دَ خُداپرستی و جُودِ دَره، رِبی شُدیم. ۲ ای حقیقت
 بلده زندگی اَبَدی اُمید میدیه، چُون خُدا که دروغ نَموگه،
 وعده زندگی اَبَدی ره پیش از شُرُوعِ دُنیا دَز مودَد. ۳ او کلام
 خُو ره دَ وختِ مُعینِ بَرَمَلا کد. اَره، تَبلیغِ کدُونِ امزی کلام دَ
 حُکمِ خُدا که نجاتِ دِهِنده مو اَسته دَ عُهده ازمه ایشته شُد.
 ۴ بلده تِئس باچه حقیقی مه دَ و سِیله ایمانی که هر دُوی مو
 دَزُو شَرِیک اَسْتی: فیض و سلامتی از طرفِ آتِه مو خُدا و
 نجاتِ دِهِنده مو مسیحِ عیسیٰ نَصیب تُو شنه.

وَضِیفَه تِئس

۵ تُو ره امزی خاطر دَ جَزیره کریت ایشتم تا که کارای باقی منده
 ره پیش بُرده نَظْم ره برقرار کنی، یعنی امو رقم که بلده تُو
 دستور دده بُودم، دَ هر شار دَ بَینِ ایماندارا رهبرای ره تعیین کُو.
 ۶ هر کُدم ازوا باید شخصِ بے عیب، تنها شوی یگ خاتو و
 صاحبِ بچکیچای ایماندار بَشه و امو بچکیچا دَ بے بندوباری

و سرکشی ملامت نشده بشه. ^۷ سرپرست جماعت باید شخص

بے عیب بشه، چراکه مسؤل کار خدا یه. او باید خودخواه و

تندخوی، شرابخور و جنگره نبشه و نه ام د پُشتِ فایده حرام

بگرده، ^۸ بلکه باید مهمونواز، خیرخواه، خردمند، عادل، پاک و

خوددار بشه. ^۹ او امچنان باید کلام ره که قابلِ اعتماد و د

مطابقِ تعلیماتِ دُرست آسته، محکم بگیره. دَمزی رقم او

میتنه دیگر ره قد تعلیمِ صحیح-و-سالم تشویق کنه و مُخالفین

ره رد کنه.

^{۱۰} چون آدمای سرکش، ایله گوی و فریبکار کلو یه، خصوصاً

از جمله پیروای ختنه. ^{۱۱} لازمه که دان ازوا بسته شنه، چراکه

اونا بلده فایده حرام اطور تعلیم میدیه که نباید دده شنه و

دَمزی طریقه کلو خانواده ها ره تباه مونه. ^{۱۲} یکی از پیغمبرای

کریتی که از بین خودون شی بود، گفته:

”مردمِ کریت همیشه دروغگوی، جانورای دَرنده و کوره

دوستای ثمبل آسته.“

^{۱۳} ای توره حقیقت دره. امزی خاطر اونا ره سخت سرزنش کو

تاکه ایمان ازوا سالم بشه ^{۱۴} و اونا د آوسانه های یهودی و د

احکامِ مردُمی که حقیقت ره رَد مُونه گوش ندیه. ^{۱۵} بلده
 آدمای پاک هر چیز پاک آسته، مگم بلده کسای که نجس و
 بے ایمان آسته، هیچ چیز ام پاک نییه، چُون ام فکرِ ازوا فاسد
 آسته و ام وجدان شی. ^{۱۶} اونا ادعا مُونه که خدا ره مینخشه،
 مگم اعمال و کردارِ ازوا ثابت مُونه که اونا خدا ره انکار
 مُونه. اونا زشت و نافرمان آسته و بلده هیچ عملِ نیک بدرد
 نمُوخوره.

تعلیماتِ دُرستِ بلده ایماندارا

۲ لیکن تُو اینمی چیزی ره که دَ مطابقِ تعلیمِ دُرست آسته،
 یادِ بدی: ^۲ مردای پیر باید خوددار، سنگین و خردمند بشه و دَ
 ایمان و مُحَبَّت و پایداری رفتارِ سالم دشته بشه. ^۳ امی رقم
 خاتونوی پیر دَ احترامِ رفتارِ کنه، بدگویی نکنه و مُعتادِ شراب
 نبشه، بلکه چیزای ره تعلیمِ بدیه که خوب-و-نیک آسته،
^۴ تاکه دَ خاتونوی جوانتر یادِ بدیه که اونا شوی و بچکیچای
 خُو ره دوست دشته بشه ^۵ و خردمند، پاک دامو، مصروف دَ
 کارای خانه، مهربو و تابع دَ شوپون خُو بشه، تا هیچ کس دَ
 باره کلامِ خدا بدگویی نکنه. ^۶ امی رقمِ مردای جوان ره

نصیحت کُو که فکرِ سالمِ دشته بشه. ^۷ د هر چیز خود ره یگ
نمونه اعمالِ نیک جور کُو، یعنی د تعلیم خو دُرست و آبرومند
بش، ^۸ و تورای سالم و بے عیب بگی که قابلِ انتقاد نبشه و
شخصِ مخالف، ازی که بلده بد گفتون مو کدم دلیل ندره،
شرمنده موشه.

^۹ غلاما باید د هر کار از آربابای خو اطاعت کُنه و رضایت ازوا
ره بدونِ گفتوگوی حاصل کُنه. ^{۱۰} اونا باید چیزی ره بلده خو
دزی نکُنه، بلکه کاملاً صادق و دُرستکار بشه تا تعلیمِ نجات
دهنده مو خدا، جلبِ توجه شنه. ^{۱۱} چون فیضِ نجات بخش
خدا، بلده پگِ مردم ظاهر شده. ^{۱۲} و اینمی حقیقت مو ره
تشویق مونه که بے دینی و خاهشاتِ دنیایی ره ایله کُنی و د
خردمندی، صداقت و خداپرستی د ای دُنیا زندگی کنی، ^{۱۳} و
چیم د راهِ امیدِ پُربَرکت، یعنی ظهورِ پُرجلالِ خدای بزرگ و
نجات دهنده مو عیسیٰ مسیح بشی. ^{۱۴} او خود ره بلده ازمو
فدا کد تاکه مو ره از هر رقم شرارت آزاد کُنه. خاهش ازو
اینمی بود که مو ره پاک کده بحیثِ یگ ملتِ خاص قبول کُنه
که مو کاملاً عاشقِ نیکوکاری بشی. ^{۱۵} ای تورا ره د مردم
بگی و قد اختیارِ کامل اونا ره نصیحت کده سرزنش-و-اصلاح

کُو. نَه ایل که یگو کس تُو ره بے اہمیتِ حسابِ کنہ.

رفتارِ ایماندارا

۳ دزوا یاد آوری کُو کہ از حکمرانا و مقاماتِ دولتی

إطاعتِ کنہ و از آیدِ ازوا شدہ بلدہ ہر کارِ نیک تیار بشہ.

۲ اونا باید د بارہ ہیچ کس بدگویی نکنہ، بلکہ از جنجال-و-

نزاعِ دُوری کدہ ہر کس مُلایم و نرم رفتارِ کنہ. ۳ چُون خود

مو ام یگ زمانِ نادو، نافرَمو، گمراہ و بندہ های شہوت و

عیاشی ہا بُودی و روزای خُو رہ دِ حسادت و کینہجویی تیر

مُوکدی. دیگرُو از مو بد شی میمد و مو ازوا بد مُوبردی.

۴ مگم وختیکہ مہربانی و مُحَبَّتِ خُدا، نجاتِ دہندہ مو ظاہر

شد، ۵ اُو مو رہ نہ از خاطرِ اعمالِ نیک مو، بلکہ بخاطرِ

رَحمتِ خودِ خُو نجاتِ دَد و دِ وَسیلہِ غُسلِ تَوَلدِ نو از طریقِ

روحِ اَلقُدسِ تازہ کد. ۶ خُدا امی روحِ اَلقُدسِ رہ تَوَسُطِ نجاتِ

دہندہ مو عیسیٰ مسیح، سَخاوتَمندانہ دَز مو بخشید، ۷ تاکہ د

واسِطہِ فِیضِ اَزُو، عادِلِ حسابِ شُنی و دِ اُمیدِ کاملِ وارثِ

زندگیِ اَبَدی شُنی. ۸ ای توره کاملاً دُرستِ اَستہ، امزی خاطر

از تُو میخایم کہ د بارہ امزی چیزا حتماً تاکیدِ کنی تا اُو کسای

که دَ خُدا ايمان اُورده، دايم دَ کارای نیک مصروف بَشه.
اینمی چیزا بلده مردُم خُوب و فایدمند آسته.^۹ از بَحث های
پوچ، شجره نامه ها، اِختِلافِ نظر و جنگِ لفظی دَ باره
شریعت دُوری کُو، چراکه ای چیزا بے فایده و باطل آسته.

هدایت های آخری

^{۱۰} آدمِ نِفاق انداز ره یگ یا دُو بار نصیحت کُو و اگه گوش
نَکد، دیگه دَز شی کار نَدشته بَش،^{۱۱} چُون میدنی که او
گُمراه شُدِه و خود خُو ره دَ راهِ گُناه محکوم مونه.^{۱۲} وختیکه
آرتیماس و یا تیخیکاس ره دَ دیرِ ازتو ری مُونم، کوشش کُو
زودتر دَ شارِ نیکوپولس دَ پالوی مه بییی، چُون تصمیمِ گرفتُم
که زمستو ره دَ اُونجی تیر کُئُم.^{۱۳} دَ آماده کدونِ زیناسِ وکیل
و اِپلوس بلده سفر شی، اونا ره از حدّ کلو کومک کُو، تاکه دَ
هیچ چیز مُحتاج نبشه.^{۱۴} برارو دَ بینِ ازمو باید یادِ بگیری که
چی رقم خود ره دَ کارای نیک مصروف کُنه تاکه ضرورت
های اوّلیه ره پوره کُنه و خودون شی بے ثمر نَمنه.^{۱۵} کسای که
قد ازمه آسته، پگ شی سلام های خُو ره میرسنه. دَ او کسای
که مو ره از خاطرِ ايمان دوست دَره، دزوا ام سلام برسَن.
فیض و سلامتِی نصیبِ پگ شُمو شُنه. آمین.

سوال داريد؟ +1 807.700.6090 

آزرگي © afghanbibles.org

Copyrighted material not for reprint/publishing purposes.